

OLA

PULETINI A'OGA



26 AUKUSO 2024 ~ Lomiga 10 ~ Upega Tafailagi: www.ola888.com ~ Telefoni: 685 7665629 ~ Tuatusi: ola.niupac@gmail.com ~ evaleon.books@gmail.com ~ NIUPAC Publication

Faamatalaga o le Ata:

O loo iai i Apia le ta'ita'i o le taupulega a Malo Aafaatasi, le Susuga a le Failautusi Aoa, Antonio Guterres, o se vaega o lana asiasiga taamilo i atunuu o le Pasefika. Sa feiloa'i ai ma le ta'ita'i o le malo, le Palemia o Samoa mo ni talanoaga i mataupu o loo laualuga i le lisi o mataupu aupito taua i lenei taimi.

Sa maua foi se avanoa e asia ai le laumua o le Papaigalagala (ata), ma feiloa'i atu i le pulega o le a'oga atoa ma le fanau a'oga. Sa tauaao atu ai se ripoti o le fono a talavou Samoa sa faia i mataupu e pei o le suiga o le tau. Na faailoa le lagolago atoa a le Failautusi i faaiuga ma talosaga a le fono.

O lana asiasiga e feagai tonu ma nisi o fonotaga taua i lenei itulagi, e pei o le fono a malo Pasefika usua i Toga i lenei vaiaso. Faapea foi le CHOGM ia Oketopa i Apia.



TALA A'OGA O LOU LOTOIFALE:

Ave le faamua Samoa Primary i le atina'e Saienisi

Tusia Salā Saili Aukuso

O le vaiaso na se'i tuana'i na faatino ai le faamoemoe o le pulega a le Samoa Primary, e faailo lana tapenaga o galuega a le fanau e 'auga i le Saienisi o se mataupu a'oa'o.

O le Aso Gafua, 20 o Aukuso, o le aso lea sa togia mo le fa'alauiloaina o galuega a le fanau o le Tausaga 4, 8 ma le 9 tausaga le matutua, i totonu lava o lo latou laumua i Vailele.

O a latou poloketi sa galulue ai ma o latou faia'oga i le vao autu faasaienisi. O ni mataupu lava ia o loo latou a'oia ia latou polokalame a'oga.

O se fa'aaliga lenei o tomai ma taleni a le fanau e le gata i le atamai e faamatala i upu ae faapea foi i le taleni tusiata ma tomai faaatisi i mamamu ma tulaga faapena.

Sa vave ona matauina le tulaga maualuga ua ausia e fanau e ala ia latou galuega faatino.

O nisi o autu sa filifilia e fai ai a latou su'esu'ega, e aofia ai le suiga o le tau ma ona a'afiaga i le si'osi'omaga, o a'afiaga o tagata ona o le 'ea palapala mai fale-gaosimea ma ta'avale afi,

O laau e iai o latou fugalaau ma laau e le iai ni fugalaau. O nisi o laau e maua mai laau fou pe a toto le lala laau. O nisi o laau



Inivesi a le Samoa Primary mo le lumana'i e a'oa'o le saienisi o le suiga o le tau ma ona aafiaga mo Samoa; e iai le ata lena o le fanau; ua le popole e faali mai latou ae ia aliali mai le aano o le faamoemoe. Ata-OLA

fou e maua mai pe a toto le fatulaau. Ia ma le tele o isi autu e feso'otai ma lo tatou si'osi'omaga e afua mai i le natura o mea.

O vaega taua o le faaaliga, o le fe'au e fia faailoa atu ia nofoilo i ai tagata, e iai lamatiaga i lo tatou soifua maloloina ma le soifua laulelei i ituaiga si'osi'omaga eseese.

O le tele o le tomai o le fanau a'oga sa latou fa'atino ai a latou galuega, o loo atagia mai ai le sao tele o susuga i faia'oga sa nafa ma le a'oa'oia o nei vasega.

Na mamalu le fa'aaliga i le auai o le Tausala o Samoa ma le Pasefika, le tama'ita'i o Moemoana Safa'atoa Schwenke. O ia le malo fa'aalologia a le A'oga i lea taeao.

Sa vaaia le fiafia o tamaiti e molimau i se avanoa e le laumua ona e le gata i le tausala a o le mamalu mai o matua e faailoa la latou lagolago i le faaaliga a le fanau.

Na saunoa le Tausala Samoa e tomatau le fanau i le taua o la latou gagana muamua. (Fa'aaauu itulau e lua)

TALA A'OGA I LOU VAIFANUA:

Se falea'oga fou e toleni ai malu o le malo i Samoa

Ua faamauina i lo tatou tala faasolopito le aso 20 o Aukuso 2024, na tatala ai le falea'oga mo le a'otauina o leoleo a Samoa mo le taimi muamua.

E \$33 miliona le tau o le fale sa fesoasoani mai ai le malo o Saina i la laua faigapa'aga ma Samoa. Sa iai foi le sao o Samoa i lona faatupega.

O le tala o le galuega e amata mai i le 2015 i se faaiuga a le Kapeneta o lea taimi, ma afuafua mai ai lona faatinoina e aulia lona mae'a ai i le vaiaso na se'i mavae.

O le mana'oga mo se nofoaga e toleni ai malu o le malo ua leva lava ona faaleoina, mai lava i le taimi o le tuto'atasi, sa afea i taofi o sui faipule mai lea paea'iga i lea paea'iga.

Peita'i, sa ama se faatatau i faigamalo ona o le manatu o Samoa o le nuu Kerisiano, ma e le pei o le tele o malo i fafo, e ogaoga lu'itau o le faiva e feagai ma leoleo.

Ui i lea, na atagia i le faaiuga a le malo i le 2015 le vave mai o suiga, ma ua tatau ai loa ona faavae se a'oga.

Mai lea taimi na molimauina ai le lu'itauina o malu o le malo, aemaise i lamatiaga i le soifua ona o 'auupega i lima o le 'ausolitulafono. O le 'u'uina ma fa'aaogaina o 'auupega e pei o fana e matua mana'omia ai se a'oa'oga lelei.

E faapena fo'i i le tulaga o soligatulafono faaonaponei, e mana'omia ai le lava o le iloa i le fa'aaogaga o meafaigaluega su'esu'e, ma le atamai e lagolago ai.

E molimau le maliu fasia o ni alii leoleo 'ai

Fa'aaau mai le itulau muamua

SPS ma lana faamua i le su'esu'ega i mataupu Saienisi

Sa faamanatu foi i le fanau le taua o le aganuu Samoa i ana tu ma aga faaloalo. O lau tautala lau tu ma lau savali e iloa ai oe o se tama ma se teine ua mau'a i lou faasinomaga.

Sa ia talanoa foi i le taua o le faasinomaga faa-Kerisiano e ta'alaina ai i nei aso o le mau luitau faasaga i le fanau.

Sa maua foi se avanoa o le Tusitala, o se Faia'oga mai i le Lunivesite Aoao a Samoa, o le Matagaluega o Mataupu Tau A'oga (FOE) mo sana fa'asoa.

O nisi o vaega sa ou molimauina, faatasi ma matua i lea aso, o le tapenaga a susuga i faia'oga ma tamaiti. Aemaise o le fa'aaogaina e le fanau o gagana e lua (Samoa ma le Peretania) e fa'amatala ai a latou su'esuega sa galulue ai.

O loo molimauina pea le tulaga paleni o le faaogaga o leo e lua, mai nisi o a'u asiasiga i le SPS. Ma o loo faamauina ai pea le mau o a'oga taumualua, i le sootaga lelei o le atina'e o leo e lua pe a mautu le leo muamua.

O se aso o le tele o taumafa o le mafaufau sa fo'i ma matua ma a'u foi i aiga ma galuega.



FOLIGA FOU: O foliga o le falea'oga fou a leoleo i Tafaigata, o le a tautuaina le atunuu. Ata—Lagi Keresoma

'auupega faasolitulafono i le lagolagoina o se a'oga e tapena lelei ai leoleo i le puipuia o le saogalemu o le atunuu ma i latou foi.

I le sauniga i Tafaigata, sa auai le Palemia, Fiame Naomi Mata'afa, ma le Amapasa o le malo Saina i Samoa, Fei MingXing, sa tauaaoina le ki i le palemia.

Sa ta'ua e le amepasa le faatuatui o le galuega ona o le Koviti, ma lona agaga fiafia

e tuuina atu lena galuega o se meaalofoa a ona tagata i tagata o le malo o Samoa.

Sa faafetaia foi le lagolago a le Matagaluega o Leoleo, ma isi matagaluega a le malo, tainane foi o le atunuu i e na faisao ma le afioaga o Tafa'igata.

Ua sauni atu nei le Samoa Police Training Academy e saili sona pule ma se 'aufaigaluega e faafoeina le galuega, ma sauni ai mo le ulua'i vasega ulufale.



Se tasi o tama'ita'i o le SPS ma lana tapenaga e aga'i i laau ma o latou natura, matagofie le ata. Ata—OLA

O loo faagasolo pea fuafuaga a le pulega i le ausia o se ta'iala paleni mo le a'oga, e le gata i mataupu i gagana ae i le Numera, Saienisi, Talafaasolo, ma Ola Maloloina. O nei uma autu o loo atina'e ai gagana e lua.

O tulaga masani o aso faapenei, e feofofoa'i ma fefaasoa'i i manatu ma le tofa aua se manuia o fanau, o le 'auga o a'oa'oga.

O le Samoa Primary o se a'oga tuma'oti ua iloga foi sona sao i le tautuaina o a'oga.

TALA A’OGA LOTOIFALE:

Faitau miliona le sao o le malo o Iapani i le atina’e a’oga

E lua ni poroketi e aofia ai se falea’oga o le a faatinoina e ala i se fesoasoani mai le malo o Iapani e lata i se miliona tala lona tau.

I le amataga o le masina na sainia ai se maliega i le va o le malo o Iapani ma Samoa e taualoa ai le ofoina mai o se fesoasoani mai lea malo e faagaoioi ai.

O le poroketi muamua e \$400,000 tala Samoa, na togia mo le faaleleia o le falea’oga o Samatau. O lona lua o lena i se poroketi vai mo le afioaga o Satupa’itea, e \$458,000 lona tau.

O le falea’oga a Samatau ua le toe saogalemu mo fanau ma faapea ona fa’aaoga ai isi fale mo a’oa’oga. O lea na pulunaunau ai le alii amepasa mo le faatelevaveina o fuafuaga. O Novema o le tausaga nei ua fuafua e mae’a ai le galuega ma faaulufale loa.

Sa faailoa le agaga faafetai i le pulega o le a’oga ma matua i le agalelei o Iapani ma na molimau foi i le lagolago autasi a le nuu i le galuega ua faia.

E faapena foi le faamoemoe mo Satupa’itea. I le faaleleia o le vai taumafa mo le nuu, o le a iloga sona lelei mo fanau a’oga i le gasesega o taumafa ae faapea le avanoa i le suavai mama e feinu ma faamalu ai.

Ua iloga se sao o le malo Iapani i atina’e o a’oga a Samoa, a le o falea’oga, o totoga e faalelei ai le tautua a’oga. Ia Me o le tausaga nei, na to’ia ai Lalomalava i le faasoa, e \$591,000 na toe faalelei ai lona falea’oga.

I le amataga o le 2024, na ofoina ai e Iapani se fesoasoani e \$16 miliona mo le fausia o se fale fogafaletolu i le lunivesite e fale ai lana saofa’iga o le Saienisi Soifua Maloloina. E aofia ai ma lona faatotogaina i meafaigaluega.



YOU’RE THE MAN: To’atele tamaiti ua iloa le suafa o Senta ‘Claus’ Keisuke, nai lo le igoa o lo latou faipule. Mafua lea ona o le fiafia o lena amepasa e lagolago poroketi e iai falea’oga ma vaitaumafa mo i latou.




Alofagia foi le Amepasa o Senta e pulega o a’oga ma faia’oga ina ua iloa lona sao i le tauanauina o lona malo e faamatuu mai tupe mo nei fuafuaga taua. I le ata le tamaitai pule o le Tulagalua a Samatau ma sui o le Komiti o A’oga a Samatau. Avea pea le talimana’o o Iapani o se faamanuiaga. Ata—Samoa Global News

CENTRE FOR SAMOAN STUDIES

National University of Samoa

E mitamita le Laumua o Mataupu Tau Samoa i lana faamuamua i le a’oa’oina, su’esu’eina ma faasoa atu fua o le malamalama ma le silafia ia Samoa.


CSS prides itself in its focus on matters pertaining to Samoa through teaching, researching and publishing to promote knowledge and understanding of Samoa.





EVALEON BOOKS NIUPAC PUBLISHING


Telefoni 7796213 e-meli: evaleon.books@gmail.com

Tautua e ala i le gaosia o alaga’oa mo a’oga (tusi mo le a’oa’oina o le faitau i le gagana Samoa, tusi e a’oa’o ai gagana, kalena, posters, yearbooks, brochures). E tautua fo’i i le fa’aliliuga o gagana, ma le tapenaina o ni tusi e fia lomina i so’o se sionara o fatuga.









Faasoa o le Vaiaso: Dr Levi Tavita

Aganuu o le teuteu lumafale ma le ola tumamā o se a’oga lelei mo fanau

I faaiuga a nisi o su’esu’ega o loo faapea mai e sili Niu Sila i nuu aupito aulelei i le lalolagi, ae e fesiligia e nisi. Moni e manaia le vaaiga i atumauga o tula kiona papa’e ma laufanua o tafega o vaitafe pei o Etena, ae a e soso teisi i totonu, i nisi ona itumalo tuulafoa’iina, e iloa ai se isi ata e fesiligia ai sea faaiuga.

Faapena foi isi malo aulelei, e iai lava se ila e mafua i le faasoa le tutusa a le tamaoaga, mafua ai ona faapotopoto le ‘aumauoloa i o latou sone eleele na o latou, faapena foi le ‘aumatitiva i o latou foi pa’usisi faaleiloga. O vaega nei o se malo e le fia fa’aalia i luma o le lalolagi, ae e fa’aali na o ata o mea ‘aulelei ma matagofie i le vaai.

Tele o taulaga ta’uta’ua a le lalolagi e faato’a manino atoa o latou vaavaa pe a e soso teisi i ai ma iloaitino mea o loo tutupu; i le eseese o le soifuaga o tagata, o e nonofo i maota fe’ilafi ma isi e momoe i poletito ma lalo ifo o ana pogisa o sima e le iloa atu. E foliga ua totofi so latou iuga e le ola, o e taualoa ma e ua tuulafoa’iina.

A o le aga lena a tagata ma le lalolagi, e fa’aali i luma mea lelei e viia ma ta’uta’ua ai, ae taumafai e na mea na e matagā ma ta’uleagaina ai.

O le aga o le teuteu lumafale o se mea e masani ai Samoa. E molimau papalagi ma i latou na to’ai mai Europa, o Samoa o se nuu e to’a’aga e teuteu o latou lumamaota ma tuamatoa. E tumama, e le tu palapalā. Pe faatali ni malo pe fai ni sauniga, e gaoioi uma le nuu.

Lea foi ua matauina i le sauniuni atu i lana taligamalo i le fono pei ona silafia. I ona itumalo ma nuu ta’itasi—Upolu ma Salafai foi, o loo galulue punoua’i aiga ma nuu e faamatagofie o latou ‘autafaala ma lumamaota. O tina e taulamua, faapena foi le fanau e fesoasoani. E le o se mea fou ia i tatou.



Ua iloa le isi uiga o le teuteu lumafale, e te le ‘atiina le lima e fagaina oe, ae na o lou faafetai ma talisapai e aunoa ma se faameo.

I le fono a malo o le taupulega o loo loma nei, o le a faatino ai lena aga, e ala i sui usufono o le a teuteu lumafale mo o latou atunuu. E fa’aali mai foliga ta’uleleia o o latou tagata e fia faailoa atu. Ae le nā ma le laina, o nisi o na malo o loo solomua i le fa’aasu ma le faa’ele’elea o le ‘ea ia latou atina’e. O malo foi nei o loo fesoasoani ia Samoa i lona atina’e.

I nisi upu, o soo se fonotaga faavaomalo, maualuga pe maualalo foi, e mātāu le faatofala’iga i le teuteu lumafale ae ama i le sailiga o ni fofo e faamata e faigata ae ono malolo ai le ma’i. A uma le fono, ona ta’ape foi lea se’ia se aso, ma faapena ai lava.

I le fa’aaliga a le fanau i le Samoa Primary sa latou ave ai le faamuamua i le saienisi o le

tau ma suiga ua afaina ai tagata o le Pasefika. O le ‘ea palapalā mai o latou fale gaosimea ma lapisi a malo malolosi o loo lafoa’iina i totonu o o tatou sami ma tuamaota. E faapena foi le iuga o le fono a talavou sa faia i le Papaigalagala.

To’atele o fanau o loo pisi i le teuteuina o lumafale o o latou aiga ma nuu, e le iloa le polotiki o le teuteu lumafale, ae fai ona o le tu ma le aga o le talimalo lelei.

Ae ia manatua o se avanoa le laumaua leni e faailoa ai so latou leo i mataupu tuga nei e faamoemoe i ai lo tatou ola ma le oti; ola mama’i ma le soifua maloloina. E ala lea i ni tusi e talosagaina ai nei malo, e ala i o latou sui malaga mai. A mafai, e faailoa se popolega i le tutū i ‘autafaala ma faailoa atu ni fe’au ta’utino, e ta’u atu i ta’ita’i o malo mai fafo, e le o po malaē ia Samoa ma ona talavou i mataupu ogaoga e aafia tonu ai o latou lumana’i.

Ua pisi foi le malo i le tapenaina o ni tautua faapitoa auā le tausiga o le soifua maloloina o malo malaga mai. O aga lava ia o le teuteu lumafale i le va o malo, a ia manatua, e muamua lou nuu ma tagata, auā e le lilo se mea i le vaai a i latou mai fafo. Manino fo’i le vaai a i tatou lava i nei aga faaletagata faitiaina e le Alii (Mataio 23).

E aafia ai le ola maloloina o meaola, e pei o ta’ifau ua tumu ai ‘autafaala o alatele a le malo. E le fealofani le matagofie o laina togalaau ma ta’ifau taaloa pa’e’e e feofeo’i solo i tafāala. O le a le isi fe’au e ono ta’u atu e i latou i le lalolagi?

Mo le fanau, o se a’oga leni i le talimalo lelei, ma le lototele e faailoa mea e natia mai le vaai. Atoa fo’i mea moni lava ua tula’i mai ona o le suiga o le tau. E matuā taua ai le una’ia o fanau i su’esu’ega faasaienisi, avea ai i latou o ni ta’ita’i ua lava tapena mo Samoa ataeao.

Pule i meatotino a se nuu o se mataupu lavelave?

O le fesili poo le a tonu le pulega e vaaia a tatou meatotino tauleatamai (intellectual property), e lei maua se tali a le faasoa. Masalo e iai ae o le uiga o le tala, o le tasi leni tamaoaga tautupe a Samoa e lei iloga ona faamaopoopoina.

E faatatau lea ia tatou measina o upeti ma mamau auliuli e iloa ai lava Samoa i le lalolagi. Aumai mo se faata’ita’iga le tatau a le alii ma le malu a le tama’ita’i. Lenei ua pena e le lalolagi ma fai mo latou, ma maua ai tupe a le to’atele e le o ni Samoa, poo ni Samoa foi ae e tatau ona fai se saofaga i le pule e ana: o tagata o Samoa.

Moni, faato’a fai nei le malo tuto’atasi o Samoa a ua leva ona iai nei measina, ae e manino le popolega. Afai e le aapa i ai le malo e taofi ma puipui, e toe taumafai atu ua fai ai pisinisi a le ‘aufaipisinisi lapopo’a.

Taatia la le tatau ae tatou talanoa i le fu’a a le malo tuto’atasi o Samoa. Poo iai se pulega e faasoasoina lona gaosiga ma le

fa’aaogaga. Latou te mataitūina le fa’aoga faasolitulafono o la tatou tagavai.

A taga’i i ai i le sami lanu mumu o fu’a i soo se taaloga a le Manu Samoa poo le Toa, poo le faailogaina o le Sisigafu’a, e le mafaitaulia. O le fesili, o ai malo o loo gaosia ma faatauina atu? Afai e 5 miliona fu’a—laiti ma lapopo’a e gaosi i le tausaga, e fia se tupe a le malo Samoa o maua mai ai? Pe le tatau ona talanoaina leni i se vaega o le fono o loo loma nei? E le faigata ona maua le maketi e aga’i mai ai, ma e tatau i na malo ona totogi mai sina vaega mo le matai e ana meatotino.

E faapena foi ia tatou tusi, e iai tusiupu a Pratt, Milner, Kramer ma isi. O nei meatotino e tatau ona malu puipuia i lalo o le vaaiga a le malo poo le lotu foi. A ua molimauina lona faatauina sa’oloto i luga o le laina e nisi e le o ni Samoa.

Fesili, O le a se lavelave o leni mataupu e ono le mafai ai ona faia se tonu mautu, ae meaane o a tatou meatotino?

UPU O LE POTO:

O le fiafiaga aupito sili i le olaga o le mautinoaga e alofaina i tatou
- Victor Hugo

I soo se mataupu e aafia ai le amiotonu, e iai le sao o le mau faa-Kerisiano. Auā o le finagalo o Keriso ina ia faatonu e le fe’au a le satauro la tatou taulaga ma mea tatou te fai.
- Tui Atua Tupua

Ne'i Mea Ane ua Galo

Atoa le 100 tausaga talu le ulua'i taaloga lakapi faavaomalo Samoa-Fiti



UA ATOA AI le 100 TAUSAGA talu le ulua'i taaloga faavaomalo i le va o Samoa ma se 'au si'i mai fafo. O lena 'au o se tasi lava o o tatou tua'oi. O fa'aagatama ma Fiti o se mea fou ma e talitonu foi o le ulua'i feiloa'iga lea na tupu e ala i le taaloga lakapi i le 1924.

Ua le maua le auala mai o le 'au pe sa iai se leo o le malo ae e foliga mai sa iai, ina ua iloa e le malo Niu Sila le aoga o le lakapi e faufau ai sootaga i va o atumotu, aemaise na i lalo o le pulega faa-Peretania. Ua iloa foi le malosi o taaloga e ta'a'ina ese tupulaga mai polotiki o le taimi sa fai ma faalavelave i ana pulega. Ae e mautinoa sa taulamua le pulega lakapi e ta'ita'i ai alii felela Malisi i Apia.

Fai mai o alii felela Malisi na latou aumaia le lakapi i Samoa, faapei fo'i o le kilikiti na aumai e misionare Porotesano mai Egelani i tua atu. E le i umi ae avea ma se tasi taaloga faatauaina.

O le 1924 na faavae ai le iuni lakapi a Samoa, e iai le masi'i mai o le 'au a Fiti e pine lea aso taua.

Fai mai o le ta o le 7 i le taeao po o le Aso Gafua na avau ai le ulua'i fetauiga. I se vaega o le malae ua avea nei ma malae lakapi faavaomalo a Samoa. Na mafua ona vave fai ina ia maua e le 'au a Fiti le taimi o le vaa (MV Tofua) e malaga ai i Toga i le afiafi. O iai foi taaloga ma Toga o loo faatali mai.

Na la'ei Fiti i le togiga uliuli atoa a o Samoa o le pa'epa'e. Pau le vaega na misi o se'evae. Fai mai sa tu matilatila se niu i le moa o le malae ta'alo. E lei faalavelaveina ai le faatinoga a 'au e lua, aemaise Samoa ua masani i le malae.

A o lumana'i le taaloga na faia se lipoti a se nusipepa e faapea 'o Fiti e lapopo'a ma saosaoa a o Samoa e televavave ma popoto. E le pine o se taaloga mata'ina e tula'i mai, o la le nusipepa

O LE ASO I LOU TALA FAASOLOPITO

SAMOA HISTORY

"Ne'i mea ane ua galo"

Copyright Reserved ©LPSLTavita

~ AUK 17~31 ~

- 17
1873 Taunuu i Apia Sitanipeka
- 18
1830 Ulua'I feiloa'iga loane Viliamu ma le auvaa ma ni tautai Samoa i luga o le vasa
- 1924 Ulua'i taaloga lakapi Samoa ma Fiti, malo Fiti, 6-0
- 2004 212 fitafita faaleoleo tuua Tafuna mo le taua i Iraka (Iraq)
- 20
1811 Maliu aliivaa Pokenivili i Paris
- 1966 Maua pine auro muamua a Samoa ia Paul Wallwork
- 21
1830 Feiloa'i Malietoa ma loane Viliamu i luga o le vaa Savali o le Filemu
- 1875 Faamamalu le faavae a Sitanipeka
- 1982 Saini e Samoa ma Niu Sila le maliega Protocol i Apia
- 22
1898 Tuumalo Malietoa Laupepa, sui lona atalii Tanumafili
- 1924 Taaloga lona 2 ma Fiti, Malo 9-3
- 23
1830 Feiloa'i loane Viliamu & aumalaga ma Malietoa i Sapapalii

- 24
1887 Fa'aali le pule a Siamani i Apia
- 25
1982 Tatala le fale loane Viliamu
- 1887 Folafola pule aoao a Tupua Tamasese Titimaea ia Samoa
- 1920 Asia Samoa e le Perenise o Uelese
- 1997
- 27
1887 Faasalalau atu e se manua o Siamani ni faatosina e lagolago ai Tupua Tamasese Titimaea i le va ma Malietoa
- 1970 Avea Samoa ma sui o malo o le Taupulega
- 29
1892 Tatala le A'oga a Teine i Papauta
- 1914 Aso Toona'i. To'ai le fitafita a Niu Sila 1,473 i Apia, leai se taua na tupu
- 1944 Aso soifua Taamalevao Petelo
- 1994 Talimalo Samoa tuuga vaa faia
- 30
1866 Amata vevesi va o Palauli ma Satupaitea, 'au Tufu ia Palauli
- 1914 Sisi le fu'a Peretania i luma o le fale o le malo.
- 31
1914 Aso Gafua. Sisi le fu'a a Niu Sila i luma o le fale o kovana i Vailima



Aufili a le Luni Lakapi Samoa i le 1930 e iai ni isi sa ta'a'alo i taaloga faitaulia o le 1924. Ata-Tattersall

lea. Ae ina ua fepa'ia'i 'au e lua na vave ona iloa le popoto o Fiti i le faatinoga o le taaloga. Sa matele Samoa i le puipui i le taaloga atoa. Tainane lena malosi, na o le 6 na malo ai Fiti i le leai.

I le taaloga lona lua na malo ai Samoa e 9 i le 3 a Fiti. Iloga le ta'ita'iga a le kapeteni, Harry Moors. Faapea mai le nusipepa, o se taaloga na mata'ina i le finau malosi a 'au e lua e aunoa ma se ta'alo leaga na vaaia.

Na tu'ua'i e Fiti lona faia'ina i le faagagafu e mafua i le auvasa mamao mai.

O suafa nei o le 'au a Samoa: T Allan, Alapati, Toni, Manu, Funu, Semisi, Ata, Atiga, Harry Moors, Moli, I Ripley, Pio, Edward, A Meredith, ma Alec MacDonald. O le kapeteni o Harry Moors. Na faato'a toe feiloa'i itu e lua i le 1954.

Mai na vaitausaga na iloga ai le tula'i mai o nisi i le faamaopoopoina ma le ta'ita'iga o le lakapi. E iai le auuso e to'alu—Angus ma Alec MacDonald. O Alec sa avea ma faia'oga a Vaiala, tofia foi o le ta'ita'ifono o le iuni i le 1965. O Angus sa ta'uta'ua lana lakapi i Niu Sila.

UILI FAU UPU


Saili tali o fesili o lo'o i lalo. Pule oe pe sipela i luma (clockwise) po'o tua (anticlockwise).

E sa le feosoosofa'i.

1. Tusi mai uiga o le upu *fau*

2. Sa'ili ni upu/fuiupu se 5 e faai'u i le fasiupu *fau*

3. Su'e se upu e 9 mata'itusi ma tusi sona fa'amatalaga:



4. Tusi uma upu/ fuiupu e ta'i 3-9 mata'itusi, ma o latou soa i le Igilisi (E faitau ai ma upu ta'ua i le 1, 2 & 3)


Lelei atoa = 12 upu

Lelei tele = 8 upu

Lelei = 6 upu

PASO I GAGANA E LUA /2024-10

Faatumu avanoa i upu/igoa Peretania e soa tutusa ma upu Samoa (vaai Ftg.) **Fill crossword with English words/names or equivalents of Samoan**



©LPSL TAVITA

Faalava ~ Across

- 1 i totonu (6)
- 4 fetu (4)
- 8 oneone (4)
- 9 o tagata o le lanu uliuli (6)
- 11 aiga i se isi, fesoota'i (6)
- 12 o ituaiga saito (4)
- 14 fpp. **O le upu Peretania company** (2)
- 15 tisi e pu'e ai pese (2)
- 16 sikoa i se lakapi (3)
- 17 tapuni (4)
- 22 Manu uliuli (5,4)
- 25 o 'ulo faimea'ai (4)
- 26 'aisa, malulu (6)
- Lalo~Down**
- 1 faatonu, faasino (8)

- 2 to'atasi, tasi (6)
- 3 fasiupu lona uiga-toese, faagata, tuu ifo (2)
- 5 taugofie, e le manaia (5)
- 6 o rosa (5)
- 7 atoa (3)
- 10 faatosina (7)
- 12 igoa o se alii (3)
- 13 o se manu tele ituaiga o le moa (3)
- 18 o kitara a agelu (5)
- 19 i le, ia (2)
- 20 fasi fanua (4)
- 21 tekonolosi: tautua o taavale laiti e malaga faatasi ma isi (4)
- 23 fpp. Pule lua (2)
- 24 e ala atu, i 'autafa (2)

THE ALPHA BUILDER

Rules:

1. Build as many English words as possible, start with three letter words.
2. Every word you build must include the Alpha Letter (centre).
3. Each letter is used only once, including the Alpha Letter.
4. The class as individuals or groups can play this game. 1 point for one three letter word, 2 for four letter word, 3 for five, and so forth.



Three letter words

Four letter words

Five letter words

Six –seven letter words


ADDITIONAL ACTIVITY: **Make a list of other words that are spelt without the Alpha Letter E.g. ACE, LAME**

SUDOKU ~ TAALOGA I NUMERA (courtesy—sudoku.com)

	9		7	5	1		2	3
2	1	8	6		3	7	5	4
			4		2			
1							9	2
			5			3	8	
3			8	2		5		6
				7			4	8
	4	9					7	
	2				5	6	3	1

~ TAALOGA PASO SAMOA I LE GAGANA SAMOA ~ POTO LAUTELE ~

1. Faatumu le pusa i upu/igoa Samoa poo se tasi e faatonuina.
2. **Faailoga tupe \$100 poo tusi faitau a’oga** mo sē e mua’i faatumua le paso i lona sa’o atoatoa. (Tuutuuga: ia tuuina mai lau tali i totonu o le vaiaso mai le aso o le lomiga).
3. E leai se tasi na maua le faatulagaga sa’o o le paso Lomiga 9. E fa’aaauau le taaloga.



Copyright LPSL Tavita 2024

FAALAVA ~ ACROSS

1. Malo komunisi aupito malosi (5)
4. Faalupega tupu Peretania (10)
9. Talatuu: Tina o Tupuivao (6)
14. Se suafa taua i Tuana’i (11)
15. O ni manu’a pe a sasa le tino (11)
16. Muagagana: Ua pa le _? (3)
17. Talatuu: fale o se ulugalii (4,1,2,2,2)
18. ma isi ua le ta’ua (6)
19. fale o le tulafale (4)
20. foliga pe a pu’e (3)
23. aute e tu i le vao (7)
28. soso ese (3)
30. Tusi Paia: o le ulua’i tusi o le Feagaiga Fou (6)
32. faatoaga taumamao ma le aai (7)
33. faanoi mai se mea (2)
34. tautua (se isi upu tutusa) (8)
38. faapu le eleele i le suo (3)
39. se nuu i le atu Fagaloa (6)

40. ta’u ai faaulaula se alii (6)
43. se faiga e masani ai ni tagata (2)
44. Faauma fuaiupu: O le uila na _ (3,3,3)
45. se laina o laau (2)
46. E faatatau tonu i se tagata (6)
49. malo le aano (2)
53. e asu ai le mea’ai (3)
55. Upu: Ua _ o le aiga sa Tagaloa (3,3)
57. inosia (se isi upu uiga tutusa) (6)
58. Upu faafeagai o le inoino (5)
59. se isi igoa o le isumu (4)
60. Faalupega: _ ma le Vaifanua (3)
62. o se ituaiga ‘ula Samoa (6)
65. E mapu i ai i taimi o puapuaga (7)
66. tane poo le ava (6)
67. laueleele (5)
68. punou toele (3)
69. uo a le faatoafaiava/faatoanofotane (2,4)

72. Suafa matai Eti Alesana sa palemia (7)




73. Talatuu: le tasi o malae na tau ai Leatiogie (6)

78. faigata ona gagau (2)

79. Kalama: faailotaimi tuana’i (2)

80. se afioaga i Salafai (8)

81. O ai a’u? Sa ou taalo i le lakapi liki Ausetalia, taalo foi mo le Toa Samoa, o lou igoa muamua o Matthew (4)



84. leo: va _ vi, vo, vu (2)

85. to’alia (se isi upu tutusa) (6)

88. poto i le a’oga (6)

89. igoa o se pese Punialavaa (4,2,6,4)

93. Taumafataga: se mea lelei (4)

94. ave ese faafuase’i (5)

95. Talatuu: le laau na saisai ai le teine o Leutogitupa’itea (5)

96. Pese: E le o a’u o se ‘ai _ (6)

LALO ~ DOWN

1. se ituaiga maa; apa e ave ai le lefulefu e tape ai a’a o vao (6)
2. “E au le _ a tina” (7)
3. O le vaomatua aupito tele lalolagi (7)
4. Tusi Paia: (Ruta 1) igoa to’alua o Ruta le tama a Naomi (7)
5. Faafeagai o ‘i sisifo’ (1,5)
6. Faauma le fuaiupu: Ana le _ le Alii (6)
7. i’a aupito lapo’a i le sami (6)

PASO SAMOA TAALOGA MAUA LE TAU TUPE \$100


- 8. e faimalaga ai (7)
- 10. tautalaitiiti, faitala i tala a tagata matutua (4)
- 11. tu ma aga a papalagi (11)
- 12. moe a tulafale Samoa (5,6)
- 13. igoa o se faletalimalo sa mua'i faaigoa o le Kitano Tusitala (5)
- 21. foi i le mea na sau ai ((5)
- 22. se nuu i Salafai ola ai le moli (6)
- 24. tomumu (3)
- 25. malaga ai i le sami (3)
- 26. mea'ai fai i i'a mata (3)
- 27. Kalama: faailotaimi veape nei (1,3)
- 28. ua uma (4)
- 28. atunuu nonofo ai Singh ma Patel (6)
- 31. Taea o le lotu (Metotisi) (5,2,9)
- 35. malosiaga niukilia atoma e fau ai (7)
- 36. Tusi Paia: le tupu o Suria na faatonu e Elia e tofu faafitu i le loritana (7)
- 37. e pau mai ai (4)
- 40. e mitamita ai (3)
- 41. e oo atu i ai (2)
- 42. faaali nifo (2)
- 46. musika: e feula (2)
- 47. taumafa (se isi upu) (7)
- 48. nofoilo (se isi upu e tutusa uiga) (7)
- 50. pule e afua mai i le temokarasi (3,5)
- 51. Ua _ malo ua maua (4,4)
- 52. igoa o le aufaipese iloa ai le nuu o Satupa'itea (7)
- 54. Pese: Tiama'a igoa o se teine (3)

- 56. Tusi Paia: igoa o se fili o Israelu (5)
- 60. se afioaga i Salafai e iai le tala ia Funefe'ai (6)
- 61. Ua iai uma tagata o le fono (4)
- 63. Igoa o se siva Maori (3)



- 64. O i'a ua afifi ma tao i le umu (3)
- 70. Faalupega: Aiga faalagilagi (5)
- 71. iloga ona ila i amioga a se tasi (6)
- 74. Taua: vaega e pito I luma o se 'autau (5)
- 75. Pese: Fai mai o lalo lava o le _ , i tala ane o le fale vali e (5)
- 76. Tusi Paia: o le soo alofaina (5)
- 77. Pese: Ua _ la'u ipu, talu le tu'inanau (6)
- 82. Tusi Paia: Nofoga o le faasalaga: Afi ma le _ (4)
- 83. igoa Eleni o se teine (5)
- 84. se alalafaga i Amerika Samoa, amata i le V (5)
- 86. fai ifo le vai poo le fula (4)
- 87. o se ituaiga ola fagota (3)
- 90. ta'u masani o le tatau a alii (3)
- 91. faalogona ese i le tino e fefe ai (3)
- 92. vala'au leotele (2)

TALI PASO SAMOA LOMIGA 5-6-7-8 2024



TALI PASO 9—LUA GAGANA



©LPS Tavita 2024



SOLO



Levi Tavita

Tama'ita'i a le uati 2

Sa matou fetau i se aoauli taunoa masani o ia ma mā'ua e lei mafaufauina Manatua le tama'ita'i na ou ta'uina atu sa fai mo ia luma o le Uati a le taulaga i na aso.

O ia lenei i la'ei e foliga masani 'afisiga e iloga ai Maria i le ata *toe fo'i i parataiso* ua matou fesaga'i i mata lagona atu lona leo tala mai ona gafa Leai e le o se agaga o le tama auuliuli a le eleele Safata 'Aumai sa'u tupe' 'Do you know that I'm related to the ... ?'

Auga o aute afi mu itiiti mafanafana ananafi faatupu 'ata faasa'oloto agaga O ai na miti e toe vaai tasi i le pogipogi o lona lagoto Lenei ua soo tino soo agaga i le alofa Taimi faatauva!

Na ma tuua o ia ma se lagona moni lava o loo agaleleia o ia e lona lava nuu ma tagata Tele ni mea sa fia ta'u atu Ae 'ailoga e taua ia te oe!

Sa pu'e foi ni ata taofiofi manatuaga faaumiumi se'ia matafi mamae atu pei o aga masani o fuga

Autafāala!



FAASOA FAAPITOA: PEPA SAUNIA E REV. MALOTAU LAFOLAFOGA

Aganuu ma le Talalelei ma le faasinoga e fo'ia ai le ipuniu e le mumū ae gāpāpā



OTOOTOGA

Na o'u popole ina ne'i lē tunua e le paiē lana manu na tuli, ona matamuli ai lea auā ua tonu iā ita le lagona na iā Elia i lalo o le ratami, o le faavaivai ma le faaselemutu. Peita'i, o le tu'umumusu faamalosi mai pea o le Agaga, ua mafua ai ona ma'ea la'u sagolegolega, e va'ili ni mafuaaga e ala ai ona ta'uleagaina le aganuu ma le Talalelei, ma ua leiloa ai e nisi o le atunuu poo le a tonu le mea a fai.

O le vaauga o loo matauina pea i le gasologa o leni seneturi, le lafo pea e nisi o le mamalu o le atunuu le mamafa o faitioga, o faaupuga faifai ma le faalumaluma, o le sa'i ma le tomumu o lo afaina ai le igoa lelei o le aganuu ma le Talalelei. O i latou nei ua le iloa poo le a sa'o le faasinoga ma se ta'iala, ao se alafua e lima ta'ita'ina ai le faatinoga o la latou tautua mo le aganuu ma le Talalelei. Ua pu'eia ma maua e le lagona o le faalotolotolua, ma ua leiloa poo le a le tonu sa'o, pe faaauu pea le tautua i le aganuu ma le Talalelei, ia pe soifua loa i le suafa o le tamaloa o Tauinaola.

O le agaga tonu lena o leni pepa, e le gata o le a faailoa ai le faasinoga mai le aganuu ma le Talalelei e faatino ai le auunaga, ae o ni vaifofō, e fo'ia ai le faaafitauli o le fiailoa ma le faatauvā, e mafua ai ona ta'uleagaina, ulagia, ma fai upu i le aganuu ma le Talalelei.

Upu Tomua

O sootaga faavavega na faatoā o'u iloa ina ua ta'u mai e le miti, ae o se misiterio lilo foi lea ua ata ma tu'umumusu mai, e na o le Atua mamana lava e manino ai se vala ma le lē mautonu. A oo foi ina souā le folauga ma lualuta le matagi i le savaliga o faia nei, e fougatā lava le sa o Toilolo pe alu i luma pe aga i tua, ona tutusa lea ma le ula e leiloa pe se'e i luma pe se'e i tua. Ua faapena lagona ma manatu o nisi o le atunuu, ua pu'eia e le lē mautonu, ina ua le iloa tonu poo le a le faasinoga sa'o a o se mau e faatonu mai e le aganuu ma le Talalelei i le faatinoga o le tautua, e auauna ai i le aganuu ma le Talalelei.

O le anofale lena o leni tusiga, ina sei o'u fofola le atugaluga ma se'i tau saili sona vaifofō, ina ne'i feala feala, ona tautuā-upega lea ma tuai, ona toe tagi ane lea o Vi ae ua i le vaa o Eneli. E iai lava foi se manatu, e soo se faaafitauli, e iai lava sona fofō ao se togafiti.

O le isi foi lea 'auga tonu o leni pepa, o la'u sa'afi faanaunau, ia aofia so'u faatauvā'a ma faitauina sa'u ma'a e togi, i ni fofō a o se mapusaga mo gasegase o le soifuaga, ua mafua ai ona tu'uā'ia le aganuu ma le Talalelei, ona avea ai lea o le to'atele, ua o se ipuniu e lē mumū ae gāpāpā. E soo se malaga foi e leai se tapasā ma lē mautū sona aga'iga, e faigatā tele ona tuta i nuu manaia ma tau i manū. E saili pea matagi ma su'e laolao i ni vaifofō, e utu ai



loimata o le sa'i ma le faitio, ma lafo ai le leaga ma faitiaina le aganuu ma le Talalelei. Tau ina manatua, e malu le Talalelei i le aganuu, ae mamalu le aganuu i le Talalelei, ona mumū loa lea o le ipuniu e lē toe gapapā, ua maua le mautinoa ma le faasinoga, pe a manino ma malamalama le tagata soifua, ma fetu'una'i lana tofā fetala'i.

Aganuu

O le aganuu, o tu ma aga ma le gagana e laugatasia ma tutusa uma ai le atunuu. O se faata'ita'iga, o le "fa'aaloalo" a savali ma ui i luma o tagata, e tatau ona faatulou. A taunuu foi ni malo faaaloaloga, e tatau ona fai le 'ava o le feiloaiga. O aganuu o loo tutusa uma ai nuu uma o le atunuu ma ona tagatanuu, o loo afeifei ma aui mai i nei tu, aga ma le gagana le "fa'aaloalo" o le aganuu a Samoa. O le manatu foi lea e tutusa lelei ma le mau a Pererika. L. Tauiliili (Anofale o le Gagana ma le Aganuu, p. 6). O lana lea molimau, o le aganuu, o aga e laugatasia ai le tele o nuu o se atunuu poo amioga a tagata o se atunuu. O le aganuu sa fausia mai i lona siosiomaga, e pei o lona laueleele ma ona laufanua, o le gataifale ma le vanimonimo ma manu felelei.

Na ia ta'ua foi, o Samoa e tele ana aganuu, e oo lava i le gasesega, e iloa ma atagia ai lava le aganuu Samoa. O le gaosiga o le taufolo poo le fatumalemo, o le faausi poo le momoe ma le usi, o ni vaega o le aganuu na tutupu faatasi mai ma tagata Samoa mai le tele o seneturi ua mavae. Fai mai se tasi foi o manatu faaalua e Faamatuainu Saivaega (O lu'itau o le aganuu Samoa, p. 97) o le aganuu, e le a'afia ai tu ma aga i fafo atu o Samoa, e o'o i isi aganuu a tagata o loo soifua i Samoa nei.

O le uiga o leni manatu, tusa poo le tagata Saina poo le Amerika o loo soifua i Samoa nei, e lē aofia a latou aganuu i aganuu a Samoa, e oo foi i le aumaia i totonu o tu ma aga ma le gagana a isi atunuu, e lē aofia lava i la tatou aganuu Samoa. O lana lava mau o loo faapea mai ai, o le aganuu, o tulafono e faia e le pule mamalu a alii ma faipule. O le aganuu mai matua ma tua'ā ma augātupulaga ua mavae atu, lea ua tu'u faasolo mai lava i o tatou foi taimi.

Peitai, e manatu foi Leaupepe Pita Leaupepe (Samoa i lona soifuaga i ana aganuu, p. 11) ua ia faapea mai, o le aganuu a Samoa, o le ava lava ma le faaaloalo, e loto alofa, e 'a'ao foa'i, e tausisi i le va fealoa'i. O lona uiga, e mafai foi la ona tatou faapea ane, o le faatinoga o manatu ma lagona lea e aliali mai i tagata, o aga eseese atoa ma le gagana, o le aganuu lena.

O le aganuu Samoa e le'i fanau mai ma se tagata, ae o se 'igagatō na tu'u faasolo mai iā i latou na tatou fananau mai ai. E aofia foi i le aganuu Samoa aga ma uiga e ese mai i uiga ma aga na fanau mai ma le tagata, ae ua faafailele e le siosiomaga faa-Samoa. O le ata faata'ita'i, tatou te ifo mai i le lalolagi o le Samoa ma le fia'ai, ma le fiainu, tatou te fananau mai foi ua iloga vaega o le tino e mafai ai ona gaoioi ai, e vaai ai, savali ai, tautala ai, ma manava ai.

E maofa ai la le loto i le faata'otoga lea o le soifuaga, auā o le faiga o le mea e 'ai ai, inu ai, moe ai, o aga e savali ai, vaai ai, tautala ai, gaoioi ai, tatou te lē fananau mai ma tatou, ae tatou te a'oa'oina mai isi tagata Samoa, a'oa'oina mai i o tatou tuaā ma matua, a'oa'oina mai isi augātupulaga ua mavae atu. O lona uiga, ua uma foi ona faasino e le aganuuu aga e 'ai ai, inu ai, tautala ai ma savali ai.

O le aganuu e faavae mai i le alofa ma le

FAASOA FAAPITOA: AGANUU MA LE TALALELEI

fa'aaloalo, ae lē o se aganuu Samoa le fiailoa ma le mimita, lea ua mafua ai ona pei isi tagata Samoa o se ipuniu e lē mumū ae gapapā. Ua latou fesligia ai le aganuu ma lona faatinoina.

Ipuniu e lē mumū ae gapapā.

O le niu mamata poo le niu e inu, a mae'a ona taumafa le niu, ona ta'e lea ae tausami le 'a'ano, ona lafoa'i lea o le ipuniu lea e le'i mago i le afi po le ta'inafi. O le vaaigna tonu lena o loo maua mai ai lenei fuaitau, e faaola iai le afi e susunu le ipuniu, ae e taumate ma lē mautonu pe mumū le ipuniu, ua le iloa e le tagata faaolaafi poo le mea ea e iai se avanoa e ola ai le ipuniu ma mumū, ia pe na o le gapapā lava a ola ae lē mumū lava.

O lagona o le faalotolotolua ma le lē mautonu o loo tupu a'e. E lē o iai se mautinoa, ma ua faapena lagona o nisi o tagata Samoa, i le faatinoga o le auaunaga i le aganuu Samoa. E musu e aveese lona faasinomaga, ae ua 'augatā ma fougatā e faatino le tautuaina o le aganuu ona ua mamafa, ona faapea lea o se lafoga, e leaga le aganuu a Samoa ua tatou matitiva ai. O le faatusa tonu lena o tagata Samoa ia ua lē mautonu i le mea a fai, ua onomea iai le ipuniu e lē mumū, ae na ona gapapā, e foliga o loo taufao e le faatino ma le tu'u se faaiuga mo le auaunaga ma le tautua i le aganuu Samoa, talu le lē mautonu o iai, poo le a sa'o le faatinoga o le aganuu Samoa, ua mamafa mo i latou.

Ua atili ai ona faigata nei aso, ona ua maua tupe ma tele le tamaoiaiga o nisi, ae lē tutusa uma foi, o loo limavaivai pea ma auau ma'a o le sami e nisi, auā e lē tutusa uma taga a tagata i aiga o Samoa.

Faafitauli ua feagai nei ma le Aganuu Samoa.

Ua lului mai nei ma tafea mai fa'ataetafe le mau suiga mai fafo ua lofia ai le Aganuu a Samoa, ma ua tafea ai nei pulu i vai, ma ua pei o se 'aloiafi e mumū ae faasolo lava ina pe. Ua sopo foi le pule ao i le pule po ma ua tau leai ai se alofa ma le faaaloalo, sei vaganā mātua ma aiga o loo lelei pea ona faafilele le soifua ma le ola i le aganuu Samoa moni.

O le mea lava ua mautinoa, e lē mafai ona tatou taofia suiga mai fafo, ona o le lalolagi e feoa'i. E tupu foi le poto ma le iloa, e saosaoa foi 'aoa'oga, e afaina lava le soifua i suiga mai lea taimi i lea taimi, ona pei ai lea o le aganuu Samoa o le tasi faapuletasi, ae tatau lava ona tasi felanulanua'i. E siva lava le tagata ia i lona mafaufau, auā ua uma ona faatonu mai e le aganuu mea uma o le soifuaga faa-Samoa, e iai le tofā fetu'una'i. Ua tausili foi le limavaivai latou ia, e fia tustusa ma le foa'i a le tagata o loo lava mea e faatino ai.

Peita'i a liliu i se isi itu, o le lalolagi lenei, e puletasi tutusa uma tatou, o le palealii o galuega foafoa a le Atua, ae tatou te felanulanua'i i aganuu ma gagana. E tofū lava le atunuu ia ma lana aganuu. E vave lava foi le pu'e vae e le matapoto o le isi aganuu le isi aganuu, ona o le faatosina felanulanua'i, faigofie ma momo'o iai le talutalu fou. Tau ina

ia mautinoa, e lē o mea iila uma foi o ni auro. E suamalie foi i le gutu ae 'o'ona i le manava. E manaia i le vaai, faigofie i le ola, ae ina nei moni ai upu a le faifeau EFKS o Lale Ieremia na fai i fanau a'oga a le Ekalesia, e 'aua le lagā ae lē aogā. Nei tatou lagalagā nisi o tu ma aga mai fafo, ae leai sona aogā, e noa ai i tatou ma le faaaloalo ina ua leai se tofā fetu'una'i.

O le aganuu lava ia i le mau a Fofu I. F. Sunia (Timata le Gagana, p. 15) o le fa'aaloalo o le fatu o le aganuu Samoa, a o lana gagana e faaali ai le mamalu ma le matagofie o le aganuu. O le fa'aaloalo foi e faamatalaina faapea, o upu ma gaoioiga e ave i le isi tagata e iloa ai lou faaaloalo, ae le mafai foi ona e toe faaaloalo oe lava ia te oe.

Taoto ia faafitauli masani o feagai ma le aganuu Samoa e ala mai i le faatauavaa ma le vaivai o le tagata, ae se'i tau tosi se matālalaga ma lafo se vaivaiga i le faafitauli o le fiailoa ma le faatauva, ua mafua ai ona lafo le uluga ma tuua'i le leaga i le aganuu. Lea e masani ai le faalogo i nei lafoga, o le aganuu ua tatou matitiva ai, ua tatou pologa ma safa ona o lenei aganuu, o le aganuu Samoa sauā.

E soofau lava nei faaupuga ma upu tu'utia'i e ta'uleagaina ai le igoa o le aganuu Samoa, fai mai ua tele nei mau faalavelave faa-le-aganuu, ua lē 'a'ai lelei ai nai tamaiti, ua leai se atina'e o se aiga ae ua uma tupe i nei mea faa-Samoa. Ua tau mai luma tau mai tua, ua tele nei mau faalavelave, ua faavagavaga uma tupe ma mea uma mo le faatinoga o lenei aganuu Samoa.

O vaega tonu lava ia ua ta'uleagaina ai le aganuu a Samoa, lea ua afua ai le si'u o le ulutala o lenei pepa, o le ipuniu e lē mumū ae gapapā. E fitoitonu le faatatauga, i lagona lē mautonu o nisi o nai o tatou tagata Samoa. E fia Samoa ma mitamita i lona faasinomaga, ae ua lē mautonu nei pe faaauau le tautua i ala o le aganuu, pe soifua ia i se aganuu papalagi e faigofie, ona ua mamafa ma tigaina le faatinoina o le aganuu, ua pei ai o latou lagona, o se ipuniu e lē mumū ae na ona gapapā. Ua matuā fesiligia poo le finagalo lea o le aganuu Samoa e ola mativa pea le tagata ma ia pologa e faatino le aganuu. E lē na o le aganuu foi e lagona ai leo nei o le faitio, tomumu ma le sa'i, o loo leoleotele foi lenei valaau i totonu o ekalesia ma le Talalelei.

Talalelei

O le Talalelei, o le tala e uiga ia lesu Keriso ma lana faaolataga. O le Atua liutino tagata, e na te faaola i tagata agasala uma, pe afai tatou te salamō faamaoni mai o tatou vaivaiga ma sesē, ona ia faaulufale lea o i tatou uma i lona malo e faavavau. O lona uiga, o le tala e lelei, e tatau ona lelei mo i tatou uma, auā o le upu moni, o a'oa'oga a le Talalelei, o le faatuatua e o faatasi ma galuega.

E lē o faamalosia mai foi e le Talalelei le mauuluga e tatau ona e ausia mo le faatinoga o lau galuega tautua mo le Atua, ona faatoā faatumaui lea o i tatou i le li'o o le Ekalesia poo le Talalelei, e leai, e lē faapena ni ta'iala o

faatonu mai e le Talalelei e fai. Ia pe iai foi se faasalaga faafalepuipui e fai mo le ua itiiti lana tautua ma mea e ofo atu mo le Talalelei a le Atua, e leai, e lē faapena le leo o le Talalelei. E na o le pau le faaupuga a le Talalelei (Kolose 3 : 23) O mea uma lava tou te faia, ia faia ma le loto, peisea'i ua faia i le Alii, ae le o tagata.

Peita'i, ua ta'u leagaina le Talalelei i nisi, ona o fatuga lava nei e pei foi ona lafo i le aganuu. Ua tele mea fai a le lotu, ua tele nei mau taulaga lafo, o le alofa o le faifeau, ma le anoanoa'i o isi lafolafoga o loo faatino i le lotu. O nei mau faaupuga, o loo atagia ai le tu'ua'iina pea ma lafo le mamafa o faaupuga i le Talalelei, auā o lotu kerisiano uma, o loo laugaina ai le Talalelei, o le mea lea, a talanoa i le lotu, ua talanoa foi i le Talalelei, a talanoa i Ekalesia Kereisiano, ua talanoa foi i le Talalelei.

E manino a le valaau a le Talalelei i le faavae ma le ta'iala e faatino ai le tautua mo le Talalelei, fai mai le faasinoga a le Tusi Paia, (Mataio 12:7) "Ou te loto i le alofa, ae lē o le taulaga." (Hosea 6:6) "Auā o le alofa oute loto iai, ae lē o le taulaga, ia iloa foi le Atua, e sili lea i lo'u manatu i le taulaga mu."

O lona uiga pe a toe faaupu, o lau taulaga ma la'u taulaga, o tatou alofa na i le Atua ina ua tatou iloa lelei, o manuia uma e mai le Atua ia. E silasila le Atua i lo tatou alofa na foa'i ai le taulaga, auā o mea uma e osi ai lau taulaga, e mai le Atua lava ia. O le tūa foi lena o le faatuatua e o faatasi ma galuega, e maua ai mea e faatino ai lou alofa i le Atua e ala i lau taulaga.

E lē o faatonu mai e le Talalelei i tatou e tatau ona sili ni o tatou alofa i le Atua, ae o loo tu'ualalo mai le Talalelei, (2Korinito 9 : 7) "Ia ta'ito'atasi ma foa'i e pei ona filifili i lona loto, 'aua ma le tigā, 'aua foi ma le faatauanauina, auā e alofa le Atua i le foa'i ma le loto malie."

O le valaau lelei lea mo tatou o i le Talalelei, ia foa'i ma le loto malie, 'aua nei faia ma le tigā, pe faatauanauina foi. E tatau ai foi ona tatou faatuatua ma galulue, ia maua ai ni mea sili e faatino ai lo tatou alofa i le Atua.

Faafitauli o le Talalelei

E leai lava se tagata e atoatoa, e noa foi se tasi e amiotonu vaganā le Atua. O le tagata foi, ua na iloa lelei ala taamilo masani o le soifuaga. E sesē, faasala, salamō, lelei. Ia ona toe sesē foi lea, ua faasala, ua salamō, ona toe lelei foi lea. O gasologa masani lava ia o le soifuaga o le tagata ua tatou iloa, e iai lava faafitauli ina ua sesē le tagata, e pei foi ona matauina sese o ta'iala ma alafua ua limata'ita'iina ai le auaunaga i le Talalelei. E foliga a umi foi ona ola le tagata i se mea sesē, ona foliga ai lava lea ua sa'o le mea sesē, ma ave sesē ai lava.

E faapena foi le ata o loo vaai i le auaunaga i le aganuu ma le Talalelei, ae mafua mai ona o nisi o vaega nei. O le fiailoa ma le faatauva ona fai o le tautua mo le Talalelei, o faafitauli tonu ia o loo manatu lenei pepa, ua mafua ai ona ta'uleagaina le Talalelei ma le lotu, e pei foi ona ta'uleagaina ai le aganuu Samoa.

O le fiailoa, o le lagona e tupu a'e i le mafaufau o le tagata. O le lagona e manatu ai ia fai se faatinoga, ina ia iloa ai o ia e tagata, o ia lava e sili nai lo isi tagata, e 'auāiga lava ma le faamaua-

FAASOA FAAPITOA: AGANUU MA LE TALALELEI.

luga, ina ua lē sa'o le agaga e fai ai, ae ua fai ona o le vaaiga a tagata. O le faatauva, o le lagona foi, e tupu mai le mafaufau ona iai lea o ona faatinoga e atagia ai le faatauva ona fai o se mea. E foliga mai foi, e iai lava elemene e auaiga ai le fiaailoa ma le faatauva. O lagona faamaualuga e tutupu a'e i le mafaufau, ona o vaaiga lava faaletagata.

E manatua ai pea e lo'u mafaufau upu a le polofesa o Otele Perelini sa avea ma pule o le Kolisi Faafaifeau i Malua, a o avea i matou 'ao'ao, (2008 – 2011). Fai mai le polofesa, "Faateete le tagata mai le ola faa-Ego eimi (ἔγώ εἰμι, "I am", "I exist " I, me, myself). O lona uiga pe a faamatalaina, o le tagata e fai mai lava ia, o ia lava, 'ana leai ia, o ia na mafua ai lea mea ma lea mea, o ia foi na faia lea mea ma lea mea. O lona uiga, o le tagata faamaualuga, e manatu ane lava o ia lava ua sili i tagata uma, ma e tatau lava ona sili pea o ia. O le faaifitauli o ia ituaiga tagata, o le mafaufau, ua le gata ina pulea e le tiapolo, ae ua aliali ai le fiaailoa ma le faatauva.

Fofō o le faaifitauli

E eseese uma finagalo mo vaifofō o le gasegase, e lē o se mau foi ou te avatu e sili lona atoatoa, ae o nai o'u ia vaivaiga e tau ina lafo e faitau ane ai Mu ma Ve'a i le lasi o fofō o loo outou silafia, e fo'ia ai le lafo o le leaga ma ta'uleagaina ai le aganuu ma le Talalelei. Ua mafua ai ona faalotolotolua nisi o le atunuu pe fai le tautua i le aganuu ma auauna i le Talalelei, ia pe leai foi.

Tau ina manatua, e iai foi lo tatou talitonuga faa-le-aganuu, e faapena foi i le Talalelei, a o nei talitonuga, e tutusa lelei.

Fai mai le mau a le aganuu, a tautua matavela le tagata i lona aiga, e faamanuia matua, ona manuia lea. A tautua lelei le tagata i le nuu, ona manuia foi lea. E faapena foi la i le Talalelei, a tautua malosi ma faamaoni le tagata, ona silasila mai lea o le Atua, ma ia faamanuia iā te ia. Peita'i, o lea ua ta'uleagaina le aganuu ma le Talalelei, ona o le tautua fiaailoa ma le tautua faatauva o nisi.

E i ai le eseese o le tautua fiaailoa ma le faatauva, ma le tagata e fai measili, fai mea lelei, ma le talitonu atoa, o le Atua lava na te faamanuia i lana tautua i le aganuu ma le Talalelei. O le mafaufau lava o le tagata ma lona agaga, e fua i ai lana faaiuga i se mea e fai. A lelei le tofā fetu'una'i alualu mamao, ona alofia lea o le gasegase e pei ona ta'ua, o le fiaailoa ma faatauva ona fai, ua ta'uleagaina ai le aganuu ma le Talelei.

Ae a lava le faasoa ma tele le foa'i a le Atua, ona o le faatuatua ua o faatasi ma galuega e tele, ma ua fua mai foi i fua e lelei, e leai la se tuaoi o mea lelei, fai le measili, auauna ma tautua i le mea e gata ai le malosi, auā e iai lo tatou talitonuga faa-Samoa ae o gatasi foi ma le faa-Kerisiano, e manuia le tagata e tautua faamaoni.

O Samoa foi o le atunuu e masani i le soifua foa'i, le soifua faitaulaga, le soifua feoeoa'i

ma le fetufaa'i, auā ua manino lava manuia o le tagata foa'i, ae fai i le mea ua mafai ma le taumafai e gata ai, o mea ua o'o i ai le malosi.

Ae lē o le auau o ma'a o le sami i le faasoa, faaopoopo iai ma le fiaailoa ma le faatauva, ona fanau mai ai lea o tu'uaiga ua ta'uleagaina ai fua le aganuu ma le Talalelei.

O la'u lea fofō mo le faaifitauli lenei o le fiaailoa ma le faatauva ona fai o le tautua, ia maua le mafaufau lelei, maua le tofā fetala'i, maua le faautauta, ma faalagolago i le musumusuga a le Agaga Paia, e fesoasoani i le faaiuga ma le faasoa, auā le tautuaina o le aganuu ma le Talalelei.

E manaia foi le a'oa'oga na maua mai i le vaivai o le isi faiaivā paiē, e otegia atu e le loomatua i le leai o sona loto ma le leai ai o se ma'umaga. Fai mai le tali a le faiaivā lenei, "Malie oe tinā, e telē le loto, ae ua leai ni tiapula."

O i tonu le faapogai o le leai o se mea e tua i ai ma faatino ai le auaunaga ma le tautua. E leai se tofa fetala'i ma se mafaufau lelei, e maua ai se manatu anoa e alu ai ia lava e saili ni ana tiapula mo le faiga o se maumaga. Ai lava e manatu lenei faiaivā e afio mai le Atua e tuu mai faapitua ni tiapula i ona lima.

O isi foi la nei tagata, o loo silimusa ona leotele le faitio ma le faifai upu i le aganuu ma le Talalelei, fai mai ua tele mea fai, ae lē o alu lava e galue le laueleele, fagota le sami, ina ia maua se mea auā le tautua i le aganuu ma le Talalelei, ina ia faamanuia mai ai le Atua. O le a foi se mea na te maua, e iai lava foi lona fiaailoa ma le faatauva ona fai, ma lē mu ai le taulaga.

Aotelega

O le aotelega o lenei pepa, o lea ua mafai ona tatou iloa ma manino lelei i le afuaga o le faaifitauli lea e mapuna mai ai si'uleo o loo ta'uleagaina ai le aganuu ma le Talalelei. O isi ia o mafuaga o lenei faaifitauli, o le fiaailoa ma le faatauva ona fai o le auaunaga.

O nisi foi ua fiu le fai mea ma ua a'e le iso, ae ua avea lava lenei pepa ma ta'iala lelei e faatonufofua ai ma fesoasoani e maua ai se manatu e faatino ai le auaunaga i le aganuu ma le Talalelei.

Ua maua ai foi le lagona mautinoa, e lē o faatonu mai e le aganuu ma le Talalelei le Tagata Samoa e faamalosi ona faatino lana auaunaga, ae o loo faailoa ma faamanatu mai e le aganuu ma le Talalelei ia i tatou, e iai lo tatou talitonuga, tatou te talitonu atoatoa e



O le galuega faamisionare na auina atu ai faife'au Samoa i isi itulagi o le vasa tele na faatino ai la latou tautua e ala i le Upu sa faatalaleleina ai tagata o Papua ma le atu Melanesia. Ae sa molimau foi a latou galuega lelei i le faaleleia o le ola i fafo o tagata. Talitonu Rev Sulufaiga i lana tusi, Fofoa i Vao Ese, o le tasi lea auala na vave ai ona liliu tagata, ona o le taunapa o faifeau Samoa i le atina'e o le tagata atoa. E iai le alii faifeau Rev. Saroa ma le faletua ia laneta Mataio sa galulue i Papua, fai foi so la sao i le galuega tala'i. Ata mai le Facebook History of Samoan Missionaries Since 1839. E te maua i ai le tala atoa ia i laua, ma isi foi sa latou galulue.

faamanuia mai le Atua i soo se ala o la tatou tautua ma le auaunaga i le aganuu ma le Talalelei.

O le upu lava foi ua masani ai tatou, o le e tele lana lulū, e tele foi lana e selesele. E sili foi le manuia o le na te foa'i, i lo le na te talia.

O le faamoemoe atoa lea o lenei pepa, ia mafai ona maua e le tagata soifua tautua le mafaufau lelei ma le tofa fetu'utu'una'i, e fuafua tatau ai le auaunaga i le aganuu ma le Talalelei, e tusa ma mea ua foa'i e le Atua i o tatou lima e faatino ai. E lē tatau foi ona galo ia i tatou, o le faatuatua ma le talitonu, e o faatasi ma galuega, ona maua lea o manuia e faatino ai le auaunaga.

O le a lē toe iai foi se masalosalo ma se faalotolotolua i le auaunaga i le aganuu ma le Talalelei, auā ua iai le ta'iala ma le alafua, o le faaogaina o le tofā fetu'utu'una'i, ae lē o le faia o le auaunaga e faavae mai i le fiaailoa ma le faatauva. Peita'i, a manatu lava i manuia o le Atua, ona fai lea o le mea sili, e fua i mea ua foa'i e le Atua i o outou 'a'ao ma o tatou lima e faatino ai le auaunaga. "Ia manuia lau tofā ma le uta fetala'i, auā se manuia o Samoa lana aganuu ma le Talalelei."

O le susuga i le faifaasoa, Rev. Malotau Lafolafoga, o le Matuafoaiva i le Laumua o Mataupu tau Samoa, i le Lunivesite Aoao a Samoa, Le Papaigalagala.



PASI ATU LA TATOU PULETINI I LE TOU A'OGA, AIGA, LOU TUAOI, AU UO, E AOGĀ MO LE FANAU A'OGA



Igoa: Maria Monteserri

Aso Fanau: 31 Aukuso 1870

Ausiga: Faavaeina le filosofia a'oga

Faa-Moneteseri

Fetu: Veko



O Maria o se tama'ita'i Italia, o le ulua'i tama'ita'i na mauaina se tikeri i le faiva foma'i (medicine) i le tala faasolopito o lea atunuu. Ae iloga le ta'uta'ua i ana taofi i le faafailelega o tamaiti e ala i le a'oga. I lana mau e fanau mai se tamaititi ma se mafaia tulaga ese e faaalua mai a o gasolo le taimi; e ese mai le taofi lautele e faatusa ai fanau o ni laupepa mamā ua sauni le faia'oga e tusitusi ai. Fai mai a ia, o le faia'oga o se fesoasoani i le ausia e le fanau o tumutumu o lena mafaia o loo ia te ia. i se si'osi'omaga masani ma sa'oloto e faaalua ai lena matalasi o mafaia. E mafai ona aotele lana mau i le upu lea, 'mulimuli i le tama' (follow the child), peisea'i o loo e mulimuli i se ta'ita'i.

E iai le tasi faia'oga ma le faitofa ta'uta'ua e masani ona faatusatusa lana mau ma Maria; Jean Piaget le suafa. E tele mea e malilie faatasi ai, e iai le tuuina o le tamaititi i le totonugalemu o le potua'oga. E avea ai le faia'oga o se lagolago ae le o se ta'ita'i. E talitonu Piaget e gaoioi le tamaititi e fua i le laasaga o lona matua o iai, i le o lea e faagasolo le atina'e taulemafaufau o fanau mai le tasi laasaga i le isi. Mai le tauafua e aulia le matua.

Ui lava i faitioga faasaga i o la taofi, e iai lena o Vygotsky ma isi, ae ua faitauina pea so la sao i le atina'e o le tofamanino o su'esu'ega taua'oga, ma mulita'ia pea e isi e o'o mai i nei aso. Ua iai le a'oga o le igoa Monteserri e faamanatu le mau a Maria i taofi tau a'oa'oga. Faapena foi Piaget.

www.ola888.com

ATINA'E UPU:

maualafia (v) mafai ona avanoa i ni filifiliga se tele pe mafai foi ona maufetuuna'i ona o se avanoa e auala ai. Ft. 1. Ua maualafia le tofa ma le faautaga a le nuu ona o le vaai mamao a le malo e ala i le Tulafono. Ft. 2. E maualafia le matai i tonu lelei talu ai e fetalai'i lana tofa. Afuaga o le upu: Na fa'aofia e Tupua Tamasese Efi i le utuvagana Samoa i ana saunoaga.

Tulimanu a Pola:



E mua pea la'u faafetai i le Tamā i le lagi, i lou soifua ma so'u malosi ua tatou toe fesilafa'i ai i lenei taeao fou. Malo le soifua maua. Ae alo maia, o nai motuga'afa fo'i nei e faanofogofie ai le faafofoga.

O le vaiaso nei Aso Faraile, 30 o Aukuso, e tatala aloa'ia ai le falemata'aga a le iunivesite i Vaivase, Faipa'aga ai le falemata'aga Siamani le Ubersee ma le a'oga, ma o le a tamua ai le Laumua o Mataupu tau Samoa ma le saofa'iga a le Saienisi, i se fa'aaliga o a tatou measina. Faaigoa le fa'aaliga o le Atalilo, o le a silamio ai i mamau Samoa i sionara e fitu o ana faatufugaga faitino. Tatou feiloa'i ai i lena taeao taua.

E leai se sauniga faalelotu faaleaganuu e vavae ese mai le olaga o fanau ma talavou a'oga. E pei o le faae'eina o le tofiga akiepikepoko o le ekalesia Katoliko i Leauvaa. Sa avea lea ma 'auga o aute i talanoaga a aiga ma fanau foi, e le na o Leauvaa a o nuu uma lava o loo maua i ai le faatuatuga Katoliko. Uiga o le tala, e afua mai i le si'osi'omaga fanua le a'oga a fanau i tu ma aga, aemaise o le gagana pe faalelotu pe faaleaganuu foi, e lagolagoina ai le mau a Vygotsky, e iloga le si'osi'omaga i le faafailelega o fanau i le gagana. E talanoa le aumatutua i mea e tutupu, ae o loo usi le faalogo a le tinifu ma talanoa ai fo'i.

Faalogologo lava i le tala faamomoiloto a lana Afioga le Akiepikepoko fou Katoliko, olaga faatauavaa mai lona itiiti e masani ai la tatou faalogo i ni o tatou ta'ita'i iloga. Manatu fo'i i le tula'i mai o tamafanau Salafai e ta'ita'ia le ekalesia, tai tutusa uma a latou tala, e ma'eu le alofa o le Alii i le motu tele. Sa'o lelei lana afioga, ua avea nei le limu ma figota auro i tausami a le atunuu. O le popolega ne'i sua lona faatauavaa e avea ma se mea taugata, ona fai foi lea mo na o e maua tupe, se'i vagana e te alala i Faga ma Pu'apu'a.

Toe o se aga ona taunuu lea o usugafono mai fafo i le fonono loma nei. Ua sauniuni foi le malo ma i latou o le a faisao i soo se auala. E aofia ai susuga i faia'oga. Mea muamua o lotisi o femalagaiga, e le o se mea lelei le tuai o malo i fonotaga ona ua poloka le auala. Faapena i latou o le a galulue, o nisi e taumamao ma le taulaga, lona uiga e ao ona iai se fuafuaga faataoto lelei i vaega ia. Upu moni ua vaapiapi le auala tele ona o le tele o taavale ma le to'atele e femalaga'i. Ae le ta'ua le solo taavale a ta'ifau o loo fai mo latou le 'autafaala. E leai se malo e fia vaai i se ta'ifau e solia ona o le tau tuliga o le taimi o le fonono.

Ou te 'au foi i le taofi a le faasoa mo ni a'oga e tutū i autafaala ma faailoa le fe'au o le 'ea palapala ma suiga o le tau. E ao ona faailoa atu i le lalolagi e le na o le teu lumafale e lelei ai Samoa, e malamalama foi i mataupu 'anoa o le taimi. Ua le tatau ona toe omiomi faaniu aleale nei mataupu. Tusa pe agalelei mai malo mai fafo, ae le auma ni tupe pe a afaina lo tatou ola maloloina. Ta'u atu, tumu tatou i le fa'aaloalo, ae le vālea. Fai atu ai foi ma lo'u migao tele.

Ae o nai motuga'afa fo'i na ua mafai. Alofa'aga faapitoa i le mamalu o afioaga o loo tapena faato'aga o latou lumā aai auā le afio mai o Tupu Salesa— ia ma Masiofo Kamila. Se upu ua sala, faafo'i mai. Manuia.